

REGIONAL NEWS

HEADLINES:-

1. Chief Minister Pu Lalduhoman Serchhip District Court-ah vawiin khan Additional District & Sessions Judge Circuit Court a hawng.
2. Sorkar laipui hmalakna Swasth Nari, Sashakt Parivar Abhiyan hawn pahin vawiin khan Khawzawlah IMA bultumin Multi Speciality Clinic hawn a ni.
3. Prime Minister Narendra Modia chaun vawiin khan Greek Prime Minister Kyriakos Mitsotakis telephone hmanga biain ram pahnih inkar thil pawimawh an sawidun.
4. Union Agriculture and Farmers Welfare Minister Shivraj Singh Chouhan-a chuan Tractor leh loneihna hmanruahte GST tihtlem a ni chuan loneitute hnenah a takin hlawkna a thlen ang a ti.

<><><>

CM

Chief Minister Pu Lalduhoman a bial Serchhip District Court-ah vawiin khan Additional District & Sessions Judge Circuit Court a hawng. Circuit Court hi thubuai lian zawk ngaihtuah thei Addl. District & Sessions Judge, Serchhip-a a khat tawka a thut theihna tur hmun a ni.

Chief Minister chuan, he Circuit Court hi Court sang zawk chhawp hnaihna , rang zawka Court rorelna kalpuina leh thubuai hmanhmawhthlak bik tana insawrbingna tangkai tak a ni a ti a. A bik takin NDPS case leh POCSO case tan a tangkai hle ang, a ti.

Nikum November ni 25 khan Circuit Court dinna tur hi sorkar chuan Notification a tichhuak a, Additional District & Sessions Judge II, Aizawl chu Serchhip hmui tura tih a ni. Hun engnge maw chen an tichhin a, staff lam tlakchham vang te, Court room mumal tak a la awm loh avangtein chawlhsan leh rih a. Kumin June thla atang khan Video Conferencing in kalpui a ni leh ta a ni.

Chief Minister hian, Serchhip Sub Hqrs YMA Hall a Serchhip Teachers Association (STA) ten, zirlai titha chawimawina MLA Trophy (Inter Challenge-2025) lawmman a semna a hmanpui bawk a, Pu Lalduhoma chuan Serchhip District mi chengte zat atanga chhuta India rama ziak leh chhiar thiam tamna bera hetiang hun hman a ni chu thil inhmeah tak a ni a ti a. Zirlai chawimawina dawng te chu nakin zelah zirlai hlawhtling leh chhawr tlak thiamna neih tum tura fuihin, zirtirtu te pawh an zirlaite enkawlnaah hmasawn tum zel turin a chah a, zirtirtu te nun zirtirna a nih theih nghal avangin an nun pawh an uluk a ngaih thu a sawi.

Chief Minister chuan Mizo ten India ram ril zawka hna hmu thei thiamna an neih a ngaih thu sawiin Central leh state danga hna awmna mizo te an lut thei mang lo chu thil ngaimawhawm tak a ni a ti a. State pawn ni lo Mizoram Rural Bank hnuaia thawktu lakah pawh mizo ten hnam dang an tluklo thin a, Hna lakna kawng dangah pawh a bika mizote luh dan kawng zawn a ngai thin chu a tlawm thlak tih a sawi.

<><><>

OMBUDSMAN SWEARING IN

Mizoram state Ombudsman (Independent Local Body) turin Pu C.Lalthanmawia, IPS (Rtd) chu vawiin khan Larsap General (Rtd) Vijay Kumar Singh an Durbar Hall, Raj Bhavan-ah rinawmna thu tiam tirin a lalut.

Ombudsman (Independent Local Body), Mizoram State atana laklulh tak Pu C.Lalthanmawia hi Kum 1989 khan Mizoram Police Service zawmin, kum 2022 khan Indian Police Service, AGMUT Cadre (Mizoram Segment) ah hlankai a ni a. Mizoram Sawrkarah mawhphurhna pawimawh tak tak chelh tawh thinin, heng zingah hian Director, Fire & Emergency Services, AIGP (Police Modernization), DIGP, Southern Range, Mizoram, Lunglei leh DIGP, Northern Range, Mizoram, Aizawl post-te a lo chelh tawh a ni.

Ombudsman (Independent Local Body) Mizoram State laklulhna inkhawmah hian UD&PA Minister Pu K. Sapdanga, AH& Vety. Minister Pu C. Lalsawivunga, EF&CC Minister Pu Lalthansanga, Deputy Speaker Pu Lalfamkima, Leader of Opposition Pu Lalchhhandama Ralte leh mi pawimawh dangte an tel a ni.

<><><>

SWASTH NARI SASHAKT PARIVAR ABHIYAN

Sorkar laipui hmalaknaa Hmeichhe hriselna, Empowered Family Campaigns wasth Nari, Sashakt Parivar Abhiyan hawn pahin vawiin khan Khawzawlah Indian Medical Association bultumin Multi Speciality Clinic hawn a ni.

He hun hawngtu Khawzawl Dc Pu K. Vanlalthiana chuan Prime Minister Pu Narendra Modi piancham vawi 75-na pualin Swasth Nari, Sashakt Parivar Abhiyan chu September ni 17 atanga October ni 2 thleng India ram puma neih tur a nih angin Khawzawlah pawh hman a ni dawn tih a sawi a, hmeichhia leh naupangte hriselna atana hmasawnna a nih ngei a rin tlat thu a sawi. He clinic hian mipuite tan damna leh hriselna a thlen ngei a beisei thu a sawi.

Multi Speciality Clinic hawnna hun hi IMA Project & Programme Wing Convener, Dr. Lalhmuchhuaka'n a kaihruai a, hmun hrang hrang atangin doctor 54 an kal a - Synod Hospital te, sawrkar hospital te, private hospital atanga te a kal an ni. Thiamna hrang hrang department 15 an lo kal a, Champhai leh Lunglei doctor te an tel a ni. He hunah hian doctor te'n damlo an chawh tur damdawi chu Tuichang bialtu MLA Pu W. Chhuanawma'n a tumsak a, a bak senso IMA, MGDA, Civil Hospital, ZFDA leh mimal thahnem ngaiten an thawhkhawm a ni. Ultrasound, endoscopy khawl te kengin, blood test leh biopsy te pawh a thlawna tih a ni. MSACS lamin HIV & STI Screening an nei bawk.

Dar 2 thleng khan hming ziaak 4,010 an awm a ni.

RIPANS ten sorkar laipui hmalaknaa Hmeichhe hriselna, Empowered Family Campaign-Swasth Nari Sashakt Parivar Abhiyaan puala Zemabawk Corps Conference Hall-a an buatsaih pawh kalpui chhunzawm zel a ni.

Ministry of Health and Family Welfare leh Ministry for Development of Women and Child hnuaia hmalakna, Swasth Nari Sashakt Parivar Abhiyaan puala Regional Institute of Paramedical and Nursing Sciences (RIPANS) ten hun an buatsaih hi tunkar nilaini khan Health Minister Pi

Lalrinpuii'n a hawng a, he hunah hian zirlai leh zirtirtute'n mipuite hriselna endikna camp hrang hrang 10 an buatsaih a, mipui hriselna an endik bakah ei leh in tur tha leh hrisel chungchang an zirtir a, a bikin hmeichhaiate an taksa bakah an rilru a hrisel theihnana an inenkawl dan tur an zirtir bawh a, Campaign hian thla thar October ni 2 thleng a awb dawn a ni.

<><><>

CSS STRIKE

All Mizoram CSS Employees Coordination Committee (AMCECC) te chuan sawrkar laka an lungawilohna lantirna chu an ti tawp a, ni 30 chung Sawrkar hmalakna an ngah dawn tih an sawi.

AMCECC hrutaituten tukina DP&AR Minister Pu K. Sapdanga an kawmna ah Minister chuan Government of Mizoram Regularisation of CSS Employee Scheme, 2024 chungchang leh OM Check List te thla khat chhunga siam thatsak a tiam bakah an duhdan sawiho zel rem an ti a, hemi avang hian AMCECC chuan ni 30 chung ngaihchan ni se tiin an nawrh chu an ti tawp a ni.

AMCECC chuan Sorkarin show cause notice a chhuah tawh chu cancel ngah vek tur leh, CSS employee-te laka hremna lek a tum mek chu sut ngah turin an phut thu an sawi a, an duh anga sorkarin hma a la lo a nih chuan an kalzel dan tur an rel tur thu an tarlang a ni.

<><><>

ST

Mizoram Sawrkar in GST atanga chhiah tam zawk a lak theih nana chhiah khawn dan tir thlirin Mizoram Resource Mobilization Committee (MRMC) Vice Chairman Pu Haukhuma Hauzel, IAS (Rtd) hovin Taxation Department leh Aizawl City Local Council Association hotute te an thukhawm a,

Vawiin an thutkhawmna ah hian Aizawl khawpui chhunga dawrkai tam zawk ten Sawkara GST an pek theihna turin Local Council Association te nen hian thawhdun theih dan tur an ngaihtuah a ni.

Kan corr report lo ngaithla ang.

GST danah chuan sumdawngin kum khata a hralh chhuah cheng nuai 20 a tlin chuan GST registration a nei ngei tur a ni. Hemi dan ang chuan dawrkai/ sumdawngin thla khat ah cheng nuai 1 sing 7 sang 5 a hmuh chuan a in register ngei tur a nih laiin Aizawl leh Mizoram khawlian deuh deuha sumdawng, an sum lakluh te danin a tuk thleng pha si mahse GST pek duh loh emaw chhan dang avanga in register duhlo engemaw zat awma rin a ni a, heng te hi Taxation Department leh Local Council hotute tangruala hriatchhuah theih dan tur te sawiho a ni. He thawhdunna hi puitlin theih a nih chuan tun aia tam zawk Mizoram Sawrkar hian GST a lakluh beisei a ni.

MRMC in a lo rel tawh angin Taxation Department pawh thuam that mek a ni a. Mizoram Resource Mobilization Committee (MRMC) hi Mizoram Sawrkar in tax leh non-tax revenue a lak a pun theihna tura din a ni a, he Committee hian rawtna hrang hrang siam in hma a la mek a ni.

Vawiin thutkhawmna ah hian MRMC Member Secy Pu CC Lalchhuangkima, Commissioner State Tax Pu HK Lalhawnghiana, Aizawl City Local Council Association President Pu C.Lalbiaknunga, te bakah official te an tel a ni.

<><><>

CARGO TRAIN

Sairang Rel Station ah vawiin khan bungraw phur rel an rawn thleng ta a, Cement thahnem tak an rawn phur thleng a ni.

Kan corr thudawn danin rel hian bungraw hrang hrang tam tham tak a rawn phur a, vawiin khan Cement an rawn phurh thlen chu Zo Rit Phur Association Sairang Branch member 40 rualin an thiarchhuak a, bungraw tam tak a thlen avangin an indaihlo hle nia thudawn a ni.

Kan corr report lo ngaithla ang.

Prime Minister Narendra Modi an tun thla ni 13-a a hawn tak Sairang-Bairabi rel kawnga rel a service hnuah hian Guwahati, Kolkata leh Delhi thleng tur mihrinbg phur rel a service nghal a, Union Railways Minister Aishwini Vaishnaw chuan rel kawng hawn takah bungraw phur a tlan nghal dawn tih alo sawi tawh a, Union Railways Minister chuan Bungraw phur rel lut turah refrigerated coach pawh a awm dawn thu sawiin, hengah te hian Mizoram thlai leh pangpar thar te a thawngchhuah theih dawn a, hmasawna pawimawh tak Prime Minister Narendra Modi kaihhruaina hnuaia neih thei a ni chu a lawmawm a tih thu a sawi baw.

<><><>

AIR NEWS ON SOCIAL MEDIA

Chanchintha hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchintha hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchintha puan leh a ni ang.

<><><>

UNION AGRI MINISTER

Union Agriculture and Farmers Welfare Minister Shivraj Singh Chouhan-a chuan Tractor leh loneihna hmanruahte GST tihtlem a ni chuan loneitute hnenah a takin hlawkna a thlen ang a ti. Vawiina New Delhi-a agriculture lam kawihhnawih bungrua siamtute nena inhmukkhawmah he thu hi sawiin Pu Chouhan-a chuan GST zaa 12 emaw 18 atanga zaa 5 a tihhniam anih chuan tractor leh khawl dang mante hi a tlahniam dawn a ti a. September ni 22 atang chuan loneituten he hamthatna hi an dawng ngei tawh dawn a ni a ti baw.

<><><>

PM AND GREEK PM

Prime Minister Narendra Modia chaun vawiin khan Greek Prime Minister Kyriakos Mitsotakis telephone hmanga biain ram pahni inkar thil pawimawh an sawidun. Hruaitu pahnihte hian India-Greece Strategic Partnership leh mipui inpawhtawna tur leh hausakna tur chungchang an sawidun a. Insumdawntawna, sum peipunna, technology, lawnga sumdawna, ram venhimna, inbiakpawhna leh mipui leh mipui inpawhtawna tura hmasawna kalpui mekte chu lawmawm an tih thu an sawi a. Ram pahni inkar leh khawvel thilthleng pawimawhte an sawidun baw a ni.

GST

Prime Minister Narendra Modia'n kumin Independence Day lawmnah GST chhuan thar hman a nih tur thu a puang a. Hei hi tun thla ni 3 a GST Council thukhawm chuan a taka rawn ti puitlingin chhiah lak dan chhawng li ni thin chu chhawng hnihah titlemin awlsam zawkin a rawn siam danglam a. GST zaa 5, 12, 18 leh 28 a lak thin chu zaa 5 leh 18 ah tihhniam a ni a. Mi naran leh mi nawlpuite tana hlawkna thlen thei tur berin he GST hi siamrem a ni.

GST tharah hian lirthei automobile-a sumdawnna lamah chhiah tihhniam a ni a. Automobile industry ah hian thawktu vaibelchhe 3 leh nuai 50 chuang an awm a. Lirthei man a tlakhniam chuan mipuiin an lei nasa ang a, a siamchhuaktute mai bakah a kaihnawih industry te pawhin an hlawkpui dawn a ni. President of the Federation of Automobile Dealers Association, C.S Vigneshwar chuan he GST thar hian anmahni dawrtute beisei ang ngeiin thil an lei thei dawn a ni a ti..

<><><>

SEVA PARV

Mipui rawngbawl leh sawrkar inrelbawlna tha thupuia neiin Prime Minister Narendra Modia hnuaiah ramchhungah hmasawnna tam tak thlen mek a ni. Vawiina Seva Parv Special Series ah hian Modia sawrkarin tlangmi tribalte hmasawnna tura a hmalaknate tarlang ila. India ramah hian Tribal hi vaibelchhe 10 leh nuai 45 chaung an khawsa mek a. Prime Minister Modia kaihhruaina hnuaiah Tribalte hmasawnna turin kum 10 kalta chhungin kawng tam taka hmalak a ni a. Union Ministry of Tribal Affairs tana budget dah chu kum 2013-14 nena khaikhinin 2024-25 ah chuan cheng vaibelchhe sang li leh 300 atangin cheng vaibelchhe sing 1 sang 3 chuanguin a pung tawh a. Development Action for Scheduled Tribes pawh kum 2013-14 atangin a let liin a pung tawh bawh a. Pradhan Mantri Jan Jati Adivasi Nyay Abhiyan (PM-Janman) hmangin tribalte hmasawnna tur nasa taka thawh a ni.

<><><>